

Saksnr: 2019/152-1
Saksbehandlar: Adeline Berntsen Landro

Saksframlegg**Saksgang**

Utval	Utv.saksnr.	Møtedato
Valnemnda		16.12.2019
Fylkestinget		17.12.2019

Nye styrer for fagskulane i Vestland fylkeskommune**Forslag til innstilling**

1. Fylkestinget gjer slike val av medlemar og varamedlemar som representerer regionalt arbeidsliv til styret for Fagskolen i Hordaland (FIH):

Forslag frå prosjektleiar til valnemnda på medlemar

1. Anne Mette Koch (arbeidslivsrepresentant)
2. Trond Sanne Haga (arbeidslivsrepresentant)
3. Birgitte Svanevik (arbeidslivsrepresentant)

Varamedlem

1. Sissel Larsen (arbeidslivsrepresentant)

2. Fylkestinget gjer slike val av medlem og varamedlem som administrativ representant (FIH):

Forslag frå prosjektleiar til valnemnda på medlemar

1. Bård Sandal, påtroppande fylkesdirektør innovasjon og næringsutvikling

Varamedlem

1. Kathrin Jakobsen, påtroppande seksjonsleiar forskning, kompetanse og internasjonalisering

3. Fylkestinget gjer slike val av medlemar og varamedlemar etter innstilling frå valnemnda (FIH):

Medlemar (eigarrepresentantar)

- 1.
- 2.
- 3.

Varamedlemar

- 1.
- 2.

4. Fylkestinget vel etter innstilling frå valnemnda følgjande som:

Leiar:

Nestleiar:

5. Fylkestinget gjer slike val av medlemar og varamedlemar som representerer regionalt arbeidsliv til styret for Fagskulen i Sogn og Fjordane (FISF):

Forslag frå prosjektleiar til valnemnda på medlemmar

1. Bjørn Hollevik (arbeidslivsrepresentant)
2. Jon Rune Heimlid (arbeidslivsrepresentant)
3. Glenn Paris (arbeidslivsrepresentant)

Varamedlem

1. Rune Karlsen (arbeidslivsrepresentant)

6. Fylkestinget gjer slike val av medlem og varamedlem som administrativ representant (FISF):

Forslag frå prosjektleiar til valnemnda på medlemmar

1. Bård Sandal, påtroppande fylkesdirektør innovasjon og næringsutvikling

Varamedlem

1. Kathrin Jakobsen, påtroppande seksjonsleiar forskning, kompetanse og internasjonalisering

7. Fylkestinget gjer slike val av medlemmar og varamedlemmar etter innstilling frå valnemnda (FISF):

Medlemmar (eigarrepresentantar)

- 1.
- 2.
- 3.

Varamedlemmar

- 1.
- 2.

8. Fylkestinget vel etter innstilling frå valnemnda følgjande som:

Leiar:

Nestleiar:

Samandrag

Skuleeigar ved fylkestinget nemner opp nye styrever for dei fylkeskommunale fagskulane i samband med ny fylkestingsperiode, og etter fylkestingsvalet hausten 2019 skal det veljast nye styrever for dei to fagskulane; Fagskolen i Hordaland og Fagskulen i Sogn og Fjordane. I denne saka vert det gjort greie for tilrådinga i delprosjektet, DP 1.8 Fagskule, i høve til samansetning av styra for fagskulane i Vestland fylkeskommune, og det vert gjort framlegg til nye medlemmar i fagskulestyra jf. forslag til styrevedtekter.

Rune Haugsdal
prosjektleiar

Bjørn Lyngedal
påtroppande fylkesdirektør for
avdeling ring og kompetanse

Saksframlegget er godkjent elektronisk og har difor inga handskriven underskrift.

Vedlegg

- 1 Styrevedtekter
- 2 Godkjenningslogg

Saksutgreiing

Bakgrunn for saka

Skuleeigar ved fylkestinget nemner opp nye styrer for dei fylkeskommunale fagskulane i samband med ny fylkestingsperiode, og etter fylkestingsvalet hausten 2019 skal det veljast nye styrer for dei to fagskulane; Fagskolen i Hordaland og Fagskulen i Sogn og Fjordane.

I dag har dei to fagskulane følgjande samansetning i styra:

Fagskolen i Hordaland		
Medlem	Stilling	Vald av:
Roald Kvamme (A)	Leiar (eigarrep.)	Fylkestinget
Sara Hamre Sekkingstad (SP)	Nestleiar (eigarrep.)	Fylkestinget
John Helge Gullaksen (H)	Medlem (eigarrep.)	Fylkestinget
Trond Sanne Haga	Medlem (arb.rep.)	Fylkestinget
Anne Mette Koch	Medlem (arb.rep.)	Fylkestinget
Trude Amundsen	Medlem (tilsett rep.)	Tilsette ved fagskulen
Sebastian Hennig	Medlem (student rep.)	Studentar ved fagskulen

Fagskulen i Sogn og Fjordane		
Medlem	Stilling	Vald av:
Gunn Åmdal Mongstad (SP)	Leiar (eigarrep.)	Fylkestinget
Hilmar Høl (A)	Nestleiar (eigarrep.)	Fylkestinget
Jan Heggheim	Medlem (eigarrep.adm.)	Fylkestinget
Anne Karin Lysne	Medlem (arb.rep.)	Fylkestinget
Bjørn Hollevik	Medlem (arb.rep.)	Fylkestinget
Rolf Yksnøy	Medlem (tilsett rep.)	Tilsette ved fagskulen
Ole Johnny Lerheim	Medlem (student rep.)	Studentar ved fagskulen

Dei to styra tilfredstillar krava i fagskulelova § 10. Eit styre for ein fagskule skal ha minst 7 medlemar med følgjande samansetning:

- To medlemar skal ha bakgrunn frå relevant arbeids- eller næringsliv.
- Minst ein medlem skal vere valt av og blant dei tilsette.
- Minst ein medlem skal vere valt av og blant studentane.
- Det skal veljast personlege varamedlemar for medlemane som er valt av dei tilsette og studentane.
- Det skal vere minst ein varamedlem for medlemane frå arbeids- eller næringsliv, og minst ein varamedlem for dei andre medlemane.

I førebuinga av å etablere nye Vestland fylkeskommune vart det etablert eit delprosjekt under delprosjektområde 1.0 Opplæring; DP 1.8 fagskule. Gjennom delprosjektet har påtroppande fylkesdirektør for opplæring og kompetanse gjeve tilråding til mellom anna korleis styra for fagskulane skal vere samansett. På bakgrunn av denne tilrådinga har det også vorte fremja sak til fylkestinget i møte 17.12.2019

om nye styrever for styra. Denne saka om oppnemning av styremedlemer tek utgangspunkt i sak om nye styrever for styra i høve til samansetning av styra.

Vidare i denne saka vert det kort gjort greie for tilrådinga i delprosjektet, DP 1.8 Fagskule, i høve til samansetning av styra for fagskulane i Vestland fylkeskommune, og til slutt vert det gjort framlegg til nye medlemer i fagskulestyra jf. forslag til styrever for styra, med ei omtale av kandidatane som vert føreslått frå prosjektleiar.

Tilrådinga i DP 1.8 Fagskule

DP 1.8 Fagskule vart som nemnt oppretta som eit delprosjekt under delprosjektområde 1. Opplæring i samband med samanslåing til nye Vestland fylkeskommune. Arbeidsgruppa i DP 1.8 besto av personar frå dei to fylkesadministrasjonane, rektorane ved fagskulane og tillitsvalde. Sluttrapporten frå prosjektet med tilråding frå påtroppande fylkesdirektør for opplæring og kompetanse vart handsama av administrasjonsutvalet 26.11.2019:

- <https://innsyn.vlfk.no/Innsyn/Dmb/DmbMeetingDetail?MeetingId=28&sourceDatabase=>

Gjennom sluttrapporten i DP 1.8 vart det mellom anna tilrådd at det skal utarbeidast felles styrever for dei to styra, samt eit forslag til korleis styra bør vere samansett. Nye felles styrever vert som nemnt handsama av fylkestinget 17.12.2019 og prosjektleiar sitt framlegg/utkast til vedtekter ligg som vedlegg til denne saka.

Vidare vart det gjennom DP 1.8 undersøkt om det var mogleg å ha eit felles styre for dei to fagskulane til komande Vestland fylkeskommune. Dette var ikkje mogleg fordi fagskulelova krev at ein fagskule skal ha eit eige styre (jf. § 9 første ledd). Dette er også avklart juridisk i fylkessekretariatet i Hordaland og av Nasjonalt organ for kvalitet i utdanningen (NOKUT).

Samansetning av styra

For å sikre ei tettare oppfølging av, og koping til fagskulane vert det tilrådd at det vert oppnemnt ein administrativ eigarrepresentant i dei to styra etter framlegg frå fylkesrådmannen. Vidare vert det tilrådd å utvide styra frå 7 til 9 medlemer for å få ein god balanse mellom eigarrepresentantar og arbeidslivsrepresentantar som følgjer:

- Tre representantar frå det regionale folkevalde nivået, der ein representant vert valt frå hovudutval for opplæring og kompetanse, og ein representant frå hovudutval for næring, naturressursar og innovasjon, og med to varamedlemer.
- Ein representant frå fylkesadministrasjonen med ein varamedlem etter framlegg frå fylkesrådmannen.
- Tre representantar frå relevant arbeids- og næringsliv med ein varamedlem etter framlegg frå fylkesrådmannen.
- Ein representant frå dei tilsette ved fagskulane med ein personleg vara valt av dei tilsette ved fagskulane.
- Ein representant frå studentane ved fagskulane med ein personleg vara valt av studentane ved fagskulane.

Ved val av styremedlemer gjeld likestillings- og diskrimineringslova § 28 innan den einskilde valkrets. Ved val av arbeidslivsrepresentantar vil prosjektleiar tilrå at det vert valt kandidatar direkte frå regionalt arbeidsliv i regionen som står opp om den til ein kvar tid strategiske utvikling og retninga fagskulane er i.

Andre tilhøve

I DP 1.8 vart det også tilrådd at dei to fagskulane i Vestland fylkeskommune vert slått saman til ein fagskule frå 01.01.2021. Det er fylkestinget som tek stilling til ei eventuell samanslåing, og dersom dette vert vedteke vil det frå 2021 bli oppretta eitt styre for fagskulane i Vestland. På bakgrunn av dette vil det vere viktig å tenkje på noko vidareføring av medlemer i overgangen frå to til eitt styre dersom fylkestinget vedtek samanslåing av fagskulane.

Vidare vert prosjektleiar sitt framlegg til arbeidslivsrepresentantar og administrativ representant presentert for kvart av dei to styra. Nokon av dagens arbeidslivsrepresentantar vert føreslått vidare inn i det nye styret, både for å sikre kontinuitet i det komande året, og fordi ei eventuell samanslåing av fagskulane gjer at det vert etablert eit nytt styre frå 2021. Framlegg til administrativ eigarrepresentant med vara er dei same personane for begge styra. Dette vil bidra til å sjå dei to fagskulane meir i samanheng i høve til vidare utvikling av fagskulesektoren i Vestland fylkeskommune. Alle representantane som vert tilrådd i denne saka har blitt førespurt og stiller seg til disposisjon for å kunne verte valt som medlemar til styra.

Fagskolen i Hordaland

Arbeidslivsrepresentantar

Anne Mette Koch

Spesialrådgjevar og stadfortredar for seksjonsleiar ved Haukeland universitetssjukehus, Fou-avd., seksjon for fag og utdanning.

Koch er utdanna sjukepleiar frå Haukeland sykepleieskole i 1978, og har etter det hovudsakeleg arbeid i ulike stillingar ved Haukeland universitetssjukehus. Ho har også i nokre periodar vore tilknytt Høgskulen på Vestlandet (Høgskolen i Bergen). Koch har vidareutdanning både innan leiing, fag og forskning og avla sin PhD ved det Medisinske fakultet i 2016.

Koch har sidan 2006 arbeid i Forsking og utviklingsavdelinga, seksjon for fag og utdanning som spesialrådgjevar. Frå oktober 2017 til oktober 2019 var ho konstituert som seksjonsleiar. I FoU-avdelinga har ho arbeid lokalt, regionalt og nasjonalt med kompetanseutvikling og oppgåver knytt til utdanningsfeltet. Koch har vidare god kjennskap til fagskuleutdanning og var mellom anna involvert i oppstart av fagskuleutdanning innan spesialreinhold ved tidlegare Fusa fagskule. Gjennom Koch si noverande stilling deltek ho i ei rekke råd og utval som kan vere relevante i høve til styrearbeid for Fagskolen i Hordaland, mellom anna i faggruppa til «Kunnskapskommunen» i Bergen kommune, Styringsgruppa til Senter for omsorgsforskning Vest og Kompetanseforum Hordaland.

Koch har vore medlem i styret for Fagskolen i Hordaland frå oktober 2018 og fram til no.

Trond Sanne Haga

Senior Manager, Kværner Stord.

Haga er PhD frå Institutt for industriell økonomi og teknologiledelse ved NTNU innan Bedriftsadministrasjon. Haga har lenge vore interessert i opplæring og utdanning, og før han starta i Kværner, har han arbeid fleire år i IRIS som forskar og forskningssjef, og i SEFOS som forskar innan utdanningsforskning med fokus på yrkesopplæringa. Haga har også arbeid som lærar i Lyngen kommune.

Haga har vore tilsett i Kværner i til saman 19 år, og er for tida leiar for fleire utviklingsprosjekt som til dømes eit fireårig utviklingsprosjekt med støtte frå Forskringsrådet gjennom BIA-programmet (Brukerstyrt innovasjonsarena), og tre digitaliseringsinitiativ. Haga har også ansvar for å følgje opp vidareutviklinga av Stordmodellen (frå fagmann til ingeniør), der Fagskolen i Hordaland saman med Høgskulen på Vestlandet, er ein sentral aktør.

Dei siste 11 åra har Haga hatt fleire ulike stillingar som til dømes HR-leiar på Gjøa, HMS-leiar på DCR Mongstad, ulike posisjonar i Nyhamna-prosjektet, Senior Vice President HR i Kværner og leiar for fleire utviklingsaktivitetar.

Haga har vore medlem i styret for Fagskolen i Hordaland frå oktober 2018 og fram til no.

Birgitte Svanevik

Seksjonsleiar for Fagopplæring, BKK Nett.

Svanevik har gjennom si stilling i eit overordna ansvar for BKK Nett energimontørlærlingar, om lag 30 stk. per i dag, samt ansvar for lovpålagt opplæring av øvre teknisk personell som montørar, planegjarar, ingeniørar og anna. Anna behovsprøvd opplæring ligg også til seksjonen til Svanevik saman med 4 rådgjevarar/instruktørar.

Svanevik har vore tilsett i selskapet sidan 1994, og noverande stilling sidan 2014. Før det har ho arbeidde som tekniskar innan ulike fagområde, både som utførande og som leiar.

Svanevik har fagbrev som energimontør (1993), teknisk fagskule innan elkraft (1994) og Bachelor innan elkraft (2012).

Sissel Larsen, vara for arbeidslivsrepresentantane

Sissel Larsen er utdanna statsvitar frå Universitetet i Bergen og har lang og brei erfaring som rådgjevar og leiar i både offentleg og privat sektor innan attføring, opplæring, HR og HMT. Larsen har god kjennskap til utdanningssektoren. Larsen arbeider i dag som rådgjevar i Bergen kommune, Byrådsavdeling for eldre, helse og frivillighet.

Administrativ eigarrepresentant

Bård Sandal

Påtroppande direktør for innovasjon og næringsutvikling i Vestland fylkeskommune.

Noverande stilling: Fylkesdirektør regional utvikling, Hordaland fylkeskommune.

Bård Sandal har tidlegare vore næringsssjef i Askøy kommune. Han har arbeidde i Askøy kommune sidan 1994 då han var tilsett som idrettskonsulent. I åra 1999-2005 var han kultursjef i kommunen og i åra 2005-2007 nærings- og kultursjef. Sidan mai 2007 har han vore næringsssjef fram til august 2013 då han vart tilsett som fylkesdirektør for regional utvikling i Hordaland fylkeskommune.

Sandal er cand. mag. frå Universitetet i Bergen med faga sosialøkonomi, sosiologi og pedagogikk. Han har også eittårig utdanning i idrett og administrasjon ved Høgskulen i Sogn og Fjordane.

Avdelinga innovasjon og næringsutvikling skal forvalte fylkeskommunale verkemiddel for støtte til nærings- og lokalsamfunnsutvikling i det nye fylket, og sørge for berekraftig forvaltning av fylkeskommunen sitt ansvar for naturressursar.

Kathrin Jakobsen, vara for administrativ eigarrepresentant

Påtroppande seksjonsleiar for forskning, kompetanse og internasjonalisering i Vestland fylkeskommune.

Noverande stilling: seksjonsleiar forskning, internasjonalisering og analyse i Hordaland fylkeskommune.

Jakobsen er utdanna IT-ingeniør frå Bergen Ingeniørhøgskole, og har i tillegg hovudfag i sosiologi frå Universitetet i Bergen. Jakobsen har yrkeserfaring frå både privat og offentleg sektor innan programmering og systemutvikling, forskningsetikk og systemutvikling, HR, og analyse og evalueringar.

Sidan 2004 har Jakobsen hatt leiarstillingar ved regionalavdelinga i Hordaland fylkeskommune og fram til i dag.

Fagskulen i Sogn og Fjordane

Arbeidslivsrepresentantar

Bjørn Hollevik

Sjølvtendig næringsdrivande.

Hollevik er utdanna cand.mag. (mellomfag i faga nordisk, historie og sosialøkonomi) frå Universitetet i Bergen, og deretter er han utdanna siviløkonom ved NHH. I arbeidslivet har Hollevik vore mest engasjert med detalj- og engrosverksemd, med utvikling av eit familieføretak frå nærbutikk til nasjonal aktør for engroshandel til storhushaldningsmarknaden. Dei siste åra har han drive eige føretak som dagleg leiar i fleire eigeidomsutviklingsselskap med ansvar for utbygging av nye, og rehabilitering av eksisterande, nærings- og bustadprosjekt. Hollevik har også undervist ved Flora vidaregåande skule i to år på slutten av 1980-talet.

Hollevik har lang og brei erfaring med styreverksemd og har vore med på å stifte Flora industri og næringssselskap i 1989 der han var styreleiar i 18 år. Hollevik har også vore 6 år i styret for Bedriftsnettverket Sogn og Fjordane og arbeidde mellom anna med å sikre og utvikle ingeniørstudia til Høgskulen i Sogn og Fjordane. Hollevik har vore aktivt styremedlem og styreleiar i inkubatoren Aksello i fleire år; var medlem av Yrkesopplæringsnemnda i Sogn og Fjordane frå 2011 til 2015, og har sete i styret for Fagskulen i Sogn og Fjordane som NHO sin representant frå 2015-2019.

Hollevik har også vore politisk aktiv i mange år i Høgre og har vore med i Flora bystyre i tre periodar; sete i opplæringsutvalet og vore leiar i kontrollutvalet. Han har sete i fylkestinget i Sogn og Fjordane dei to siste periodane i høvesvis hovudutval for næring og hovudutval for samferdsle. Siste periode var han representant i fylkesutvalet og sat i fellesnemnda og arbeidsutvalet for nye Vestland. I førre stortingsperiode var Hollevik første vara til Stortinget og var møtande vararepresentant i tre månader i Kommunalkomiteen.

Jon Rune Heimlid

Dagleg leiar Nomek AS.

Heimlid har utdanning innan kjemiteknikk (1991-1995) frå Norges Tekniske Høgskole (NTH) i Trondheim, samt innan bedriftsøkonomi (1999-2002) frå BI. Etter hovudutdanninga frå NTH har han vore trainee, og deretter arbeidd som prosessingeniør. Vidare har Heimlid mellom anna erfaring som marknadsingeniør, marknadssjef, dagleg leiar og logistikksjef. Heimlid har brei leiarerfaring frå ulike verksemdar i perioden 2001 og fram til i dag, og har vore sentral i Vidre (bussproduksjon) og Vest Buss. Noverande stilling er som dagleg leiar hjå Nomek AS i Stryn. Heimlid flytta til Stryn i 2002 og er oppteken av eit desentralt utdanningstilbod, og av å gjere ungdom merksam på dei lokale moglegheitene i arbeidslivet.

Glenn Paris

Mannskapssjef og HR-ansvarleg i Babord Group og Stadyard.

Paris arbeider i dag som mannskapssjef og HR-ansvarleg i Babord Group og Stadyard.

Han har vore rådgjevar på Måløy vidaregåande og marknadsutviklar på Sikkerheitssenteret i Måløy. Før det jobba han mange år som Innkjøpssjef i Fjord Seafood AS og Domstein Salmon AS. Paris er utdanna som Høgskulekandidat innan eksportmarknadsføring ved Høgskolen i Ålesund, og i seinare år tatt praktisk-pedagogisk utdanning ved Høgskulen i Volda.

Rune Karlsen, vara for arbeidslivsrepresentantane

Distriktsleiar i Veidekke Entreprenør AS, distrikt Sogn og Fjordane.

Karlsen har arbeidd som distriktsleiar i Veidekke Entreprenør AS, distrikt Sogn og Fjordane i nesten femten år. Verksemda har kontor i Sogndal etablert i 1976, på Sandane (1967), i Volda (1998) og i Førde (2019). Tidlegere har Karlsen arbeidd som prosjektleiar/anleggsleiar i ei årrekkje. Han var også stabsmedarbeidar ein periode og hadde ansvar for HR, HMS, KS og kontinuerleg forbetningsarbeid.

Karlsen er utdanna ingeniør innan bygg og anlegg i Bergen der han er født og oppvaks. Etter utdanning og militærtjeneste har Karlsen reist i ca. 7 år på ulike anleggsprosjekt på Vestlandet. Etter utbygginga av Årøy kraftverk i Sogndal (1984) bygde han hus og busette seg på Kaupanger. Karlsen starta då å arbeide ved kontoret til Veidekke Entreprenør i Sogndal.

Administrativ eigarrepresentant

Bård Sandal

Sjå tekst over om Sandal over.

Kathrin Jakobsen, vara administrativ eigarrepresentant

Sjå tekst over om Jakobsen over.

Vedtakskompetanse

Fylkestinget har kompetanse som skuleeigar til å velje styrer for dei fylkeskommunale fagskulane i Vestland fylkeskommune. Vedtakskompetansen til fylkestinget kjem ikkje fram av fagskulelova, men kommunelova kapittel 11 om kommunalt og fylkeskommunalt føretak kan nyttast så langt det passer, og jf. kommunelova § 65 tredje ledd vert styra velt av fylkestinget sjølve.

Vedtakskompetanse

Fylkestinget har kompetanse som skuleeigar til å velje styrer for dei fylkeskommunale fagskulane i Vestland fylkeskommune. Vedtakskompetansen til fylkestinget kjem ikkje fram av fagskulelova, men kommunelova kapittel 11 om kommunalt og fylkeskommunalt føretak kan nyttast så langt det passer, og jf. kommunelova § 65 tredje ledd vert styra velt av fylkestinget sjølve.

Vurderingar og verknader

Økonomi: Ikkje relevant.

Klima: Ikkje relevant.

Folkehelse: Ikkje relevant.

Regional planstrategi: Ikkje relevant.

Konklusjon

Saka gjev framlegg til oppnemning av nye styrer for Fagskolen i Hordaland og Fagskulen i Sogn og Fjordane. Fylkestinget vel eigarrepresentantar og arbeidslivsrepresentantar til styra. Tilsett- og studentrepresentant vert valt av og blant tilsette og studentar. Prosjektleiari gjev framlegg til arbeidslivsrepresentantane med bakgrunn i regionalt arbeids- og næringsliv i høve til det strategiske utviklingsbehovet som er ved fagskulane. Vidare gjev prosjektleiari framlegg til administrativ eigarrepresentant for styra.